

Sakspapir

Saksbehandlar	Arkiv	ArkivsakID
Per Inge Olsen	FE - 210, FE - 004	17/943

Saksnr	Utvalg	Type	Dato
51/2017	Formannskapet	PS	03.05.2017
40/2017	Kommunestyret	PS	10.05.2017

Rekneskap og årsmelding 2016

Vedlegg:

Årsrekneskap 2016 - Meland kommune

Uttale om årsrekneskapen og Revisjonsrapport nr. 14 for rekneskapsåret 2016

Uttale frå leiinga om Meland kommune sin rekneskap for 2016

Årsrekneskapen 2016 - Revisjonsrapport nr 14

Årsmelding 2016 - Meland kommune

Årsrekneskapen 2016 og revisjonsmelding – uttale frå kontrollutvalet

Saksopplysningar:

Meland kommune har også i 2016 eit godt økonomisk resultat med eit overskot på kr 9,8 mill. Overskotet er sum av avsetning til disposisjonsfond av årets resultat med kr 0,85 mill og årets rekneskapsmessige mindreforbruk med kr 8,97 mill. Budsjettert resultat for 2016 er lik budsjettert avsetning til disposisjonsfond med kr 0,85 mill.

Kommunen har eit netto driftsresultat på kr 14,25 mill, som er 2,52% av sum driftsinntekter, noko som er kr 2,0 mill lågare enn i 2015, då netto driftsresultat vart på kr 16,2 mill (3,14% av driftsinntektene). Netto driftsresultat er disponert slik etter krav i lover og forskrifter:

kr 9,1 mill Bruk av tidlegare års mindreforbruk (avsetning av overskotet frå 2015 til disp.fond)

kr 5,4 mill er bruk av bundne fond

kr 9,85 mill er avsetning til bundne driftsfond

kr 9,95 mill er avsetning til disposisjonsfond (overskot frå 2015 og budsjettert overskot i 2016)

Etter dette sit kommunen igjen med eit netto mindreforbruk (overskot) på kr 8.970.065,- som rådmannen gjer framlegg om å avsetje til disposisjonsfond.

Kommunen sin investeringsrekneskap viser at det er føreteke investeringar i anleggsmiddel på kr 88,2 mill, av dette er kr 34,6 mill til vassverk og avlaupsanlegg. Utlån og forskoteringar, avdrag på lån og avsetningar er på til saman kr 13,5 mill, slik at årets finansieringsbehov i investeringsrekneskapen er på kr 101,7 mill. Revidert budsjett var på kr 179,3 mill, slik at det brutto i 2016 er ført kr 77,6 mill mindre i investeringsrekneskapen enn budsjettert. Dette skuldast i hovudsak forskyvning av ein del prosjekt frå 2016 til 2017, og det er allereie gjort budsjettendringar i 2017 for korrigere for desse forskyvingane.

Framlegg til årsmelding for 2016 og årsrekneskap for 2016 følgjer som vedlegg til saka.
Desse gjev ei utfyllande forklaring til resultatet og kommentarar til drifta.

Framlegg til vedtak:

Kommunestyret godkjenner rekneskapen for Meland kommune for 2016 i samsvar med revisor si melding med eit mindreforbruk på kr 8.970.065, som vert å avsetje til styrking av kommunen sitt disposisjonsfond.

Kommunestyret ønskjer å bruke delar av overskotet til anleggsbidrag til breiband og fiber.
Kommunestyret ber rådmannen ta kontakt med utbyggjarar av breiband og fiber, og komme tilbake med ei sak om korleis kommunen kan bidra til å byggje ut i område som i dag ikkje har breiband/fiber.
Kommunestyret vil på eit seinare tidspunkt avgjere i kor stor grad kommunen kan bidra økonomisk til dette.

Formannskapet - 51/2017

FS - behandling:

Økonomisjef Per Inge Olsen orienterte.

Fellesframlegg til endring av vedtak i møtet:

"mindreforbruk" vert endra til "overskot" på kr

Avrøysting:

Rådmannen sitt framlegg til vedtak med ovannemnde endring vart samrøystes vedteke.

FS - vedtak:

Kommunestyret godkjenner rekneskapen for Meland kommune for 2016 i samsvar med revisor si melding med eit overskot på kr 8.970.065, som vert å avsetje til styrking av kommunen sitt disposisjonsfond.

Kommunestyret - 40/2017

KS - behandling:

Rådmann Kari Anne Iversen orienterte om følgjande:

- Vedtak frå 2007 om at delar av husleiga skal nyttast til vedlikehald
- Sal av gamle kommunale bustader kan vere fornuftig
- Skilje mellom tidsavgrensa leigeavtalar og andre leigeavtalar t.d. gjennom NAV

Tilleggsframlegg frå Stian Lavik, KrF:

.... og mobil.

Avrøysting:

Formannskapet sitt framlegg til vedtak vart samrøystes vedteke.

Tilleggsframlegg frå Meland AP med tilleggsframlegg frå Stian Lavik vart samrøystes vedteke.

KS - vedtak:

Kommunestyret vil på eit seinare tidspunkt avgjere i kor stor grad kommunen kan bidra økonomisk til dette. Kommunestyret godkjenner rekneskapen for Meland kommune for 2016 i samsvar med revisor si melding med eit overskot på kr 8.970.065, som vert å avsetje til styrking av kommunen sitt disposisjonsfond.

Kommunestyret ønskjer å bruke delar av overskotet til anleggsbidrag til breiband, fiber og mobil. Kommunestyret ber rådmannen ta kontakt med utbyggjarar av breiband, fiber og mobil, og komme tilbake med ei sak om korleis kommunen kan bidra til å byggje ut i område som i dag ikkje har breiband/fiber og mobil.